

HE TAUAROMAHĪ

**Kaupae 1 Tikanga ā-lwi 2024****92081 Te whakaatu māramatanga ki ngā tirohanga kē ki tētahi take o te wā**

Whiwhinga: 4

Kairangi	Kaiaka	Paetae
Ka tātari i ngā tirohanga kē ki tētahi take o te wā.	Ka whakaahua i ngā tirohanga kē ki tētahi take o te wā.	Ka tautohu i ngā tirohanga kē ki tētahi take o te wā.

HE TAUAROMAHĪ

No part of the candidate's evidence in this exemplar material may be presented in an external assessment for the purpose of gaining an NZQA qualification or award.

Ko tā te Ākonga A mahi

Kairangi - Ka tātari i ngā tirohanga kē ki tētahi take o te wā.

TAKE
TAIAO

Tikanga a Iwi

URUPARE
WHENUA

AS9081 TE WHAKAATU MĀRAMATANGA KI NGĀ TIROHANGA KĒ KI TĒTAHI TAKE O TE WĀ

TIMATANGA

Ānei tōku tirohanga ki ēnei take taiao o te wa ki te takiwa o [REDACTED]. Ko tōku tirohanga rerekē ki tēnei kaupapa ko te tini o ngā kawekawe whenua kei [REDACTED].



TUHIA TĒTAHI TAKE
TAIAO O TE WĀ - ARĀ, HE
TŪĀHUA Ā-ROHE, Ā-
MOTU, Ā-AO WHĀNUI
RĀNEI E WHAI PĀNGA
ANA KI TĒTAHI RŌPŪ.

Ko te tūāhua ā-rohe o tēnei kaupapa e noho ana ki te takiwa o Te Tai Tokerau, ā, he tino whakaaweawe mo Te Ika a Maui nā te mea e kore e taea ngā tūrihi te kite i te ātahuatanga o te nōti nōta.

TOITŪ TE MANA WHENUA ✖ TOITŪ TE TAPU WHENUA ✖ TUITŪ TE MAURI WHENUA

TAKE
TAIAO

Tikanga a Iwi

URUPARE
WHENUA

TE WHAKAATU MĀRAMATANGA KI NGĀ TIROHANGA KĒ KI
TĒTAHI TAKE O TE WĀ



**TĀ TE TANGATA TITIRO REREKĒ, TE WAIARO,
TE WHAKAPONO RĀNEI KI TĒTAHI TAKE
TAIAO, KI TĒTAHI TŪAHUA RĀNEI.**

*Ko te waiaro me ngā tirohanga
rerekē o ētahi o ngā tangata i roto
o [REDACTED], ā, i roto i Te Tai
Tokerau whānui ko te tepenga o
nga tangata e āhei te hau mai, ā, te
wehe i Te Tai Tokerau.*



**TĒTAHI ĀHUATANGA I ARA AKE RĀ I TE
TITIRO A TĒTAHI TANGATAIRŌPŪ KI
TĒTAHI TAKE TAIAO, KI TĒTAHI TŪAHUA
RĀNEI**

*Ko tētahi āhuatanga i
ara ake i te titiro o ngā
rōpu taiao ko te matapā
o ngā rori i
[REDACTED], ko tētahi
atu matapā ko te tini o
ngā aitua nā te maunga
e retireti haere ana, ko
te take e retireti haere
ana ngā rori ko te tino
taimaha o te ua e
totohu ki roto i ngā
maunga.*

*Te rā i hua ake
13/2/2023*

*Te rā tūwhera ano
Kirihimete 2024*

*Karere o te wā
He kaupapa kia tapitapi i te rori*

*Putanga
E whakatikatika ana i nga rori kia
puare ano i te kirihimete o te 2024*

WHAKAKAPI TUHINGA



”

*Noreira kua tuhi ahau i ōku māramatanga mo tēnei
whakamātautau o te TAI Take Taiao kei te takiwa o
[REDACTED]*

TOITŪ TE MANA WHENUA ✖ TOITŪ TE TAPU WHENUA ✖ TOITŪ TE MAURI WHENUA

Kairangi

Te Wāhanga Ako: Tikanga ā-lwi
Te Paerewa: 92081
Te Maaka: 07/08

Te Pātai	Ngā kōrero pitopito
Tuatahi	I autaia te rongo i te kounga o te kaupapa i whakaritea. I mārakerake te kite i tōna mārama ki tōna Kaupapa. He kounga te whakatakotoranga o tōna aromatawai, ā, i kaha hāngai i te reo taiao.

Ko tā te Ākonga E mahi

Kaiaka - Ka whakaahua i ngā tirohanga kē ki tētahi take o te wā.

Tenei ano te arotahi a rangi, takiraki a tua whenua, kei hea nga manu tioriori o te whare rangi ora e, kahore ra te aroha e momotu e kore nei pea te tukino, e wha iho, mairangi ana ko pu mahara wha i te ara o to tupuna kia mau ki te manu tute i te ao e hoki ko ia e.

Ka timata taku korero mai i te timatanga o te ao, ko te pu, te more, te weu, te aka, te rea, te kore, te po, heke iho kia Ranginui e tu iho nei, kia Papatānuku e takoto nei tena ra korua.

Hoka hokai nei au ki te pakikau o toku whare ka titiro au ki te whenua ki te tara ki maunga kohatu, ka kai rikiriki te aroha ki ahau kia kautau, e aku mate tau tini, aku mate tau rua ki te whare, koutou te wharau a te tini te wharau a te mano ka ngaro nei ki te po tiwha tiwha ki te po kerekere ki te anu matao e.

Rukea te po nau mai te ao, kia tatou te kanohi ora, tatou kua huihui mai nei i tenei ra kia ora mai ano tatou. Kia koutou e nga wahine maori toko i te ora koutou kua poepoea te kaupapa nga pu korero, ka hapai tenei kaupapa te reo Maori

Kei aku niho rei, kei aku niho nui, kei aku niho roa, kei aku niho rahi, kei aku kaiwhakawa tenei au ka mihi

I hoia mai te rangatira a [REDACTED] i te waka o matatua, ka tau ki te [REDACTED] ka titiro whakarunga ki te tihi o te maunga a maunga [REDACTED], ka rere te awa o [REDACTED] ki te moana o [REDACTED], ko [REDACTED] te hapu ko [REDACTED] te tangata, kia tu nei au hei raukura mo toku hapu a [REDACTED] me toku iwi a [REDACTED].

Katira me hoki mai ki te tino tuapapa o taku kaupapa korero, ara ko te Hapū Rangatiratanga

He aha tenei mea te hapu rangatiratanga? Ko te hapu rangatiratanga ko te whaka hoki mai o te mana, ko te whenua hoki o nga hapu huri noa ia Aotearoa, i te wa o te tiriti o Waitangi i te tau 1840, i hangaia e te iwi Pākehā o rātou ake ture, te maha hoki, tetahi o nga ture ko te mana o te hapu, ia hapū huri noa ia aotearoa he mana tōna, engari kua tango ratou i te mana o 'o tatou hapū, kare i wāhi whakaae.

He aha te mahi i te taenga mai o Pākehā, i timata ratou ki te pohewa, ki te korero mō o ratou ake ture, ko tetahi o nga ture i kapo nei nga karu me te taringa, ko te 10 owner rule, he aha tenei mea te 10 owner rule? Ata whakarongo e hoa mā.

I te taenga mai o nga Pākehā, i timata rātou ki te waihanga i o ratou ake ture, na nga ture i whaka tu to ratou ake koti whenua, ko te mahi o te koti kia tango i te mana whakahaere o te hapu ki nga whenua, i hoatu ki tenei mea te 10 ownership rule.

Tenei mea te 10 owner rule e korero ana mo nga hapū huri noa i a aotearoa, ko te 10 owner rule, i meinga ra kia 10 nahenahe nga tangata mai ia hapu hei whaka haere i nga whenua hei aha ai? Na te mea e matakū ana nga Pākehā ki te korero ki te hapu katoa, te porangi hoki.

I nga wa o mua, ko tenei whenua katoa o aotearoa, kei tena hapu tona rohenga, kei tena hapu tona rohenga, huri noa i tenei whenua. I enei ra, i na ka hokona whenua, koina to whenua, ko tera he ture no te pakeha, i whakatau nga pakeha i tera ture i to rātou taenga mai. ko ta te maori, ko tatou nga kaitiaki noa iho, ehara noku te whenua, no te whenua ke ahau.

na reira e hoa ma, ka anga whakamuri ki te wa o te tiriti o waitangi i te tuaono o pepuere 1840.

Ka timata ki te atikara tahi o te tiriti, e korero ana a atikara tuatahi e pa ana ki te kupu kawanatanga, i hoatu te maori i te 'kawanatanga' ki te karauna. Engari Ko tā te pakeha, i te hoatu kē i te mana motuhake, i te tino rangatiratanga. Nā reira kāhore te iwi Māori i tuku i te rangatiratanga, i te mana motuhake, engari ko te kāwanatanga kē.

Atikara rua, e korero ana e pa ana ki a tatou te maori, i whakaae te Kuini ki to tatou rangatiratanga e pā ana ki ā tātou whenua, ā tātou taonga katoa. Engari mēnā ka hokona atu te whenua me whai wāhi mai te Kuina i te tuatahi ki ērā hokonga.

Hei whakakapi ake, ko te atikara toru, e korero ana e pa ana ki ngā tikanga pākeha, ā, kia tukuna kia ngā Māori katoa ngā tikanga rite tahi ki ngā tangata nō Ingarani. Ka mutu ka tiakina ngā Māori katoa e te Kuini.

Ahakoā enei atikara, i tango tonu i to tatou rangatiratanga, kua riro atu te whenua, ā, kaore te kuini i tiaki i a tatou

Te arero teka o etahi o enei korero ki roto i tenei tiriti, i riro whenua atu me hoki whenua mai. Whakahokia mai te rangatiratanga ki ngā hapū!

Taku putu, taku patu, maori mana motuhake, taku patu, taku patu, maori mana motuhake, taku ihi, taku w ehi, taku wanawana, taku wehi, taku ihi, taku wanana, kei hinga aue, kei mate aue, taku patu taku patu Māori Mana Motuhake, hei ha, hi aue hi

Apiti hono tatai hono, te hunga mate ki te hunga mate, apiti hihono tatai hono te hunga ora ki te hunga ora, hurihoa i nga pou e wha o tenei whare tuturu whakamaui kia tina, tina, haumie hui e taiki e, no reira tena koutou tena koutou kia ora mai ano tatou katoa.

Kaiaka

Te Wāhanga Ako: Tikanga ā-lwi
Te Paerewa: 92081
Te Maaka: 06/08

Te Pātai	Ngā kōrero pitopito
Tuatahi	I whakaatu te ākonga i te tautohu, me te māramatanga o ōna mahi. I nanakia te whakauru atu i tōna reo / kupu ā-hapu, ā-iwi rānei, ā, i māia te rongo i ngā whakaaro, ko te whai take ki tāna i rangahau.

Ko tā te ākonga mahi

Paetae - Ka tautohu i ngā tirohanga kē ki tētahi take o te wā.

Tikanga-a-iwi

92081

Te whakaatu māramatanga ki ngā tirohanga ki tētahi take o te wā (Kaupae 1, Whiwhinga 4)

Hei whakatewhatewha i aku tuhinga ka whakaatu māramatanga ki ngā tirohanga kē ki tētahi take o te wā

Kia korero e pā ana ki tētahi āhukatanga i kite ai taku mama i te wā i roto ia i te Civil Defence.



Te tirohanga o taku māmā

Ngā haora 168 hei kaiāwhina tuatahi

I te Rātū, 22 Pēpuere 2011, 12:51 pm, ka rū te whenua ki Ōtautahi i piki te ru whenua ki te 6.2 I taua wā, i huraina te huringa o te ao mō mātou katoa.

I ahau e tu ana hei kaiāwhina tuatahi mō te rōpū Taiwhenua ā-motu, kāore i roa, ā, i puta mai te karere i muri noa iho i te rū whenua. Kāore i roa, i waiho aku tama e rua ki te kāinga o tōku hungawai, ā, kāore i mōhio anō ahau āhea anō rā ka kite i a rātou. Ka tere haere ahau ki te pokapū o te tāone ki te tūtaki ki taku kaiārahi rōpū.



Ko tā mātou mahi tuatahi ko te hīkoi me te rapu i te māketē o Cashel mō ngā mōrehu. E toru ngā rā i noho ai mātou i reira. I taua wā i taea e mātou te whakaora te hunga tata ki te 20 tangata. I mua i te tino mōhio me pēhea te taumaha o te mate, ka kitea nuitia ngā parekura i te tāone, ā, ka kaha a mātou te mahi kia kake ki runga ake i te raru. I te rā tuatoru, ka neke atu mātou ki te whare CTV, ā, ka kaha mātou ki te kimi mō ngā taonga me ngā mōrehu, he

kaupapa nui hoki i taua wā i roto i ngā mahi whakaora. I roto i aua wā, kāore i taea e mātou te wareware te hunga i mate, ko rātou hoki i whai kia kitea hoki o rātou whānau.

I reira mātou mō ētahi atu rā e toru, ā, kātahi ka wehe atu mātou i reira, ka riro i tētahi atu rōpū hei tango i te haepapa.

I ngā haora i te wā o ngā mahi, e 8 ki te 14 ngā haora o te wā i peka ki te mahi. He 20 pea te rahi o te rōpū i ia huringa, ā, i noho mātou katoa ki te pokapū o te tāone mō ngā wiki e rua i muri iho. I taua wā, ka rongong mātou i te aroha o te iwi ki a mātou, i runga i te aroha, i runga hoki i te kaha o te tangata.



Whakamutunga

Ahakoa ngā taumahatanga me te mamae o aua rā, i tū tonu te manawaroa me te ngākau nui o ngā kaiāwhina tuatahi, me ngā tāngata o Ōtautahi. I kite mātou i te kaha me te kotahitanga o te hāpori, i te kaha ki te hāpai tētahi i tētahi ahakoa ngā taumahatanga. Ko te aroha me te manaakitanga i whakakotahi i a mātou, ā, nā reira i taea ai e mātou te mahi i te mahi nui i taua wā. Kei te mau tonu ngā mahara o aua rā, ā, kei te mōhio mātou i uru atu mātou ki tētahi hītori nui i te oranga tonutanga o Ōtautahi.

Paetae

Te Wāhanga Ako: Tikanga ā-lwi
Te Paerewa: 92081
Te Maaka: 04/08

Te Pātai	Ngā kōrero pitopito
Tuatahi	I kite i te tautohu i tētahi kaupapa mai i te ao o te ākonganga nei. I whakaatu i tōna mārama ki ētahi tikanga, ā, ahakoa te kaupapa, i kite tōna mōhio, ā-reo, ā-whakatakoto.